




نارنج وادستان

۱۳۳۶



بر کون بلیدر قیسه، مجموعه ملک اما
پادشاه آرا ایراد رتبه، مجموعه بولتنز
۱۳۳۶

ایتدک شرف خدمت اجدادی فراموش
آنانیسه اسلافزاد و نعت اولمیز

امینه سلطان علیة الشان حضرتلرینک وفات

کدورت انکیزی

دیدیلر خلق جهان بربرینه ایتدی وفات

دختر حضرت سلطان عزیز ذی شان

ایکی کوز یاشی کبی چیقدی کهر تاریخی

کلشن جنته عزیم ایتدی امینه سلطان

نزد شوکت وفد حضرت خلافتناهیده پک زیاده موجب تأسف

وتأثر اولان امینه سلطان علیة الشان حضرتلرینک ضیاع ابدیسی کبی

برخبر سیاه بردنبره چهره لرده تبسمی اوچورمش وهرکسی بیوک

محزونیت ایچنده براقشدر .

مخدره مشار الیها خاندان شوکت عنوان عثمانییه بخشایش فطرت

اولان خصائل جلیله ضعفا پروری وفضائل برکزیده رقت پروری،

حائزه شرف و شان فوق العاده مابده زاهده بر سلطان رابعه عنوان

ایدی .

سایه حسنات دیندارانه سنده نیجه یتیم ، نیجه بیکسار سایبان

اولیوردی . مسموعات موثوقه دندر که شیو مشوم محاربه نك ابتدای

ظهورنده پک زیاده متأثره بولنمش واسعارك معلوم اولان فوق العاده

ترفی اوزرینه سلطان مشار الیها ایچون آریجه بعض یمکله طبعی

آرزو وتشبهنده بولونلق ایستلنمش ایسه ده صورت استثنا قبول ایتمه رك

— دائرهم خالق هر نه ییه یورلر سه بن نفسم ایچون فضله میج برشی

آرزو ایتیم — بیورمش وبو عاطفت انسانیتکارانه وملائککپسندانه ایله

هم دائرهم سی خلقنی امكانك مساعد اولدینی قدر تطیب وترفه ایتمش

وهمده برکون بیله اونلرك ییدیکی نعمتدن افضله برشی اکل ایتك

تزلنده بولنمامشدر .

مرحومه مشار الیها حضرتلری شهزاده نجیب معالی خصلت
ولی عهد سلطنت عبدالحمید افندی حضرتلرینک همشیره مکرمله لری
اولدینی جهته ولی عهد مشار الیه حضرتلریده، ولی نعمت بی متمز
پادشاهمز افندمز حضرتلری مثللو بوحادثه مؤسسه دن فوق العاده
متاثر اولمشلردر .

أمر جناب ذوالجلاله کردنداده رضا و اطاعت اولمقدن بشقه بر چاره
اولدینی جهته مرحومه مشار الیها غنوده خواب غفران اولدقچه
پادشاه معالی خصال و شهریار عمیم النوال افندمز حضرتلرینک آرایش
بخش شوکت و اقبال و ولی عهد سلطنت حضرتلرینک دخی ذات هایون
صفات حضرت خلافتناهی ایلہ برلکده آزاده ملال و خاندان سلطنت
و خلافتلری انجال و افراد عالیہ سنک جمله سنہ جناب حقک صبر جمیل
احسان بیورمسی دعواتی تکرار ایلرز .

مغفوره و مرحومه امینہ سلطان حضرتلرینک زوج مکرملری محمد
شریف پاشا بن احمد شکری پاشا بن محمد شریف پاشا حضرتلرینک مبتلا
اولدقلری شوالم ناکهانی کندیلرینی پک زیاده صار صمش و مایوس و مکدر
برحاله کتیرمش اولدیغندن دولت و مملکتک علم و عرفان و استقامت
واہلیتندن دها پک چوق فائده لر بکلمکده اولدینی جهته بو ذات عالی قدره
دخی شکیب و تحمل احسان بیورمسی جناب حقک الطاف مالانهایه سندن
تمنی ایدرز .

سلطان مشار الیها حقنده مع تاریخ انشاد بیوردقلری مرثیه حزن
انکیز بو کرم المزه کچمش اولمقله وزیر مشار الیهک نصل بر ذات کمالات
بینات اولدیفنه دلیل بولمقله برابر یوردقلری چاکچاک ایدہ جک مرتبه لردہ
تأثراتی خصوصیلہ سلطان مشار الیهانک فضائل اخلاقیہ سنی مصور
و حاکی ، و تاریخی بر اثر سلیس و نفیس اولدیغندن و بر زوج محترمک
زوجه سندن بودرجه بمنون و متشکر بولمسی اویله بر زوجہ عفیفه

ونادردنك عند الهيدم موجب غفرانى اونق ايچون الك مهم بروثيقه
رحمت بولندبغندن منظومه مذكوره بي مع التقدير درج ستون حرمت
ايلرز .

درة التاج فلك مفخر آل عثمان
قرة العين ملك يعنى امينه سلطان
سنة طقسان برايجنده كله درك دنيايه
ناز ايله اولدى شرف آور مهد دوران

والد ماجدى سلطان عزيز النفسى
طفل ايكن ايتدى قدر چشم جهاندى نهان
يدى كون صوكره دخى مادر پاكي زده سنى
ايريشوب بيك اجل ايلدى خاك ايچره نهان

بدر ومادرنى بويله جه غائب ايدرك
الم فرقت وحسرت ايله اولدى كريان
دادرى دائرة تربيه سنده يتيشوب
حسن اخلاقى ايله بولمش ايدى شهرت و شان
بنى صهريته لائق كوردرك شام جهان
ايتدى اول كوهر يكدانه بي لطف واحسان
اون طقوز سال برابرجه معمر اولدى
ايلدك عز وسعادت ايله امرار زمان

دار دنيا ده بنم يار وفا كارم ايدى
پرتو راينى ايلر ايدى هرايشده عيان
اجتماع ايتمش ايدى ذات كريمنده آنك
عصمت و دين و حيا عقل و ذكا و عرفان
بنى بر كره بيله ايلدى رشيد
دردمه حال كدورتده اولوردى درمان

دولت و مملکتک اوغرا دینی احوالی
فکر و اندیشه دن اولمز ایدی فارغ بر آن
بویله تأثیر کدورات ایله مرغ روحی
ناکهان اولدی سماوات علایه پران
رحلتنده دها قرق بش ایدی سن و سالی
کنج ایکن اولدی چمن صفه رضوانه روان
اوشریف النسبک نعش عزیز و پاکی
پدری قربنه تقیر ایله اولدی پنهان
یار و اغیار بتون طوتدی عزا و ماتم
هر کسک اولدی کوزندن در اشکی ریزان
عبدینه و یردی اوسلطان علی الشانی
قربنه آلدی ینه حضرت رب منان
آتش فرقتی یاقدی دل و جسم و جانی
آه کیم دفع قضایه نیجه واردر امکان
موتی کورمامکی ایستر ایدم باریدن
بودعام اولمدی هیهات قبوله شایان
طور مسون اشک ترم قانه بویانسون چشمم
تا به حشر دل حسرت زدهم اولسون نالان
اومارم لطف خدادن که اوسلطان کریم
دارعقباده اوله مظهر عفو و غفران
(حزن) ایله سویلدی تاریخی بیچاره «شریف»
کلشن عدنی پناه ایتدی امینه سلطان